

三国全图演义

三國全圖演義

宴桃園
三結義

莊題



軟黃
巾紫
雄首
血功

桐陰
居士



張翼德怒鞭督郵

小
糊
塗
客



何國明謀
誅宜
豎妨



第一才子書卷一

聖嘆外書

茂苑毛宗崗序始氏評

詞曰 滾滾長江東逝水。浪花淘盡英雄。是非成敗轉頭空。青山依舊在。幾度夕陽紅。

白髮魚樵江渚上。慣看秋月春風。一壺濁酒喜相逢。古今多少事。都付笑談中。以詞起以詞結

第一回

宴桃園豪傑三結義

斬黃巾英雄首立功

人謂魏得天時。吳得地利。蜀得人和。乃三大國將興。先有天公地公人公三小寇。以引之。亦如劉季將爲天子。有吳廣陳涉以先之。劉秀將爲天子。有赤眉銅馬以先之也。以三寇引出三國。是全部中賓主。以張角兄弟三人引出桃園兄弟三人。此又一回中賓主。

今人結盟。必拜關帝。不知桃園當日。又拜何神。可見盟者。盟諸心。非盟諸神也。今人好通譜。往往非族認族。試觀桃園三義。各自一姓。可見兄弟之約。取同心同德。不取同姓同宗也。若不信心而信神。不論德而論姓。則神道設教。莫如張角二人。同氣連枝。亦莫如張角三人矣。而彼三人者。其視桃園爲何如耶。

齊東絕倒之語。偏足煽惑愚人。如蒼天已死。黃天當立。是已。且安知南華老仙。天書三卷。非張角謬言之。而衆人妄信之乎。愚以爲裹黃巾。稱黃天。由前而觀。則黃門用事之應。由後而觀。則黃初改元之兆也。

百忙中忽入劉曹二小傳。一則自幼便大。一則自幼便好。一則中山靖王之後。一則中常侍之養孫。低昂已判矣。後人猶有以魏爲正統。而書蜀兵入寇者何哉。

許劭曰。治世能臣。亂世奸雄。此時豈治世耶。劭意在後一語。操喜亦喜。在後一語。喜得惡喜。得險喜。得直喜。得無禮喜。得不平喜。得不懷好意。只此一喜。便是奸雄本色。

話說天下大勢。分久必合。合久必分。周末七國分爭。并入于秦。及秦滅之後。楚漢分爭。又并入于漢。漢朝自高祖斬白蛇而起義。一統天下。後來光武中興。傳至獻帝。遂分爲三國。推其致亂之由。殆始於桓靈二帝。出師表曰。嘆息痛恨于桓靈。故從桓靈說起。桓靈不用十常侍。則東漢可以

不爲三國。劉禪不用黃皓。則蜀漢可以不爲晉國。此一部大書。前後照應處。桓帝禁錮善類。崇信宦官。及桓帝崩。靈帝卽位。大將軍竇武太傅陳蕃共相輔佐。時有宦官曹節等弄權竇武陳蕃謀誅之作事不密。反爲所害。中涓自此愈橫。將說何進先以陳竇二人作引

帝御溫德殿。方陞座。殿角狂風驟起。只見一條大青蛇從梁上飛將下來。蟠于椅上。白蛇斬而漢與青蛇見而漢危青蛇白蛇遙遙相對。惟虺惟蛇。女子之祥。寺人正女子一類也。故有此兆。帝驚倒。左右急救入宮。百官俱奔避。須臾蛇不見了。忽

然大雷大雨。加以冰雹。落到半夜方止。壞卻房屋無數。建寧四年二月。洛陽地震。又海水泛溢。沿海居民盡被大浪捲入海中。水將滅火光和元年雌雞化雄此兆又切中宦官以男子而淨身則雄化六月朔。黑氣十餘丈。飛入溫德殿中。秋七月有虹見於玉堂。五原山岸盡皆崩裂。種種不祥。非止

一端。先說災異。引起盜賊。帝下詔問羣臣以災異之由。議郎蔡邕上疏以爲蜺墮雞化乃婦寺干政之所致。

言頗切直。首卷書以蔡邕起以董卓結蓋邕固一代文人也使不失身董卓則三國志當成于蔡邕之手豈成于陳壽之手哉作者殆爲中郎惜之。帝覽奏嘆息因起

更衣曹節在後竊視悉宣告左右遂以他事陷邕於罪放歸田里後張讓趙忠封謂段珪曹節侯

覽蹇碩程曠夏暉郭勝十人朋比爲奸號爲十常侍帝尊信張讓呼爲阿父。有此張父自然生出張角等兄弟三人來

朝政日非以致天下人心思亂盜賊蜂起時鉅鹿郡有兄弟三人。以此兄弟三人引出桃圖兄弟三人來一名張角

一名張寶一名張梁那張角本是箇不第秀才。脫儒巾而裹黃巾負卻秀才名色因入山採藥遇一老人碧眼童

顏手執藜杖喚角至一洞中以天書三卷授之曰此名太平要術汝得之當代天宣化普救世人

若萌異心必獲惡報。若無此句人不肯信角拜問姓名老人曰吾乃南華老仙也言訖化陣清風而去。此舉

來此張角自言之而人誰信。角得此書曉夜攻習能呼風喚雨號爲太平道人稱謂中平元年正

月內疫氣流行張角散施符水爲人治病自稱大賢良師。名號愈奇角有徒弟五百餘人雲遊四方

皆能書符念咒次後徒衆日多角乃立三十六方大方萬餘人小方六七千各立渠帥稱爲將軍

書符念咒只好遣鬼爲將奈何以人爲將。造語不通之極如此秀才宜詛言蒼天已死黃天當立。其不第也。漢將與有赤帝

白帝之奇識漢將亡有蒼天黃天之妖。又云歲在甲子天下大吉令人各以白土書甲子二字于

家中大門上青幽徐冀荆揚兗豫八州之人家家侍奉大賢良師張角名字。天子既呼張讓爲父天下安得不奉張角

為師角遣其黨馬元義暗齎金帛結交中涓封請以為內應外寇必結角與二弟商議曰至難得者

民心也今民心已順若不乘勢取天下誠為可惜遂一面私造黃旗約期舉事一面使弟子唐州

馳書報封請唐州乃徑赴省中告變中涓反作奸細奸細反作首帝召大將軍何進引出調兵擒

馬元義斬之次收封謂等一千人下獄何不殺張角聞知事露星夜舉兵自稱天公將軍張寶稱地

公將軍張梁稱人公將軍隱然鼎足為申言于眾曰今漢運將終大聖人出汝等皆宜順天從正

以樂太平四方百姓裏黃巾從張角反者四五十萬奉黃天而裏黃賊勢浩大官軍望風而靡何

進奏帝火速降詔令各處備禦討賊立功一面遣中郎將盧植皇甫嵩朱雋各引精兵分三路討

之好且說張角一軍前犯幽州界分幽州太守劉焉一箇姓劉的引出乃江夏竟陵人氏漢魯恭

王之後也魯恭王之後引出當時間得賊兵將至召校尉鄒靖計議靖曰賊兵眾我兵寡明公宜

作速招軍應敵劉焉然其說隨即出榜招募義兵榜文行到涿縣引出涿縣中一箇英雄方人此

先是一箇英雄那人不甚好讀書秀才不同性寬和寡言語喜怒不形於色素有大志專好結交天下

豪傑生得身長八尺兩耳垂肩雙手過膝目能自顧其耳面如冠玉唇若塗脂中山靖王劉勝之

後漢景帝閣下玄孫可知蜀漢姓劉名備字玄德昔劉勝之子劉貞漢武時封涿鹿亭侯後坐耐

金失侯漢武時宗廟祭祀命宗藩俱獻金因此遺這一枝在涿縣玄德祖劉雄父劉弘弘曾舉孝

廉亦嘗作吏早喪玄德幼孤事母至孝然則昭烈之事母勝于高宗之事父矣家貧販履織蓆為業漢武用主父偃計削弱宗藩以

致光武起于田間昭烈起于織蓆可勝嘆哉家住本縣樓桑村其家之東南有一大桑樹高五丈餘遙望之童童如車

蓋相者云此家必出貴人只為此一株桑遂使南陽八百株桑不能獨樂其樂玄德幼時與鄉中小兒戲於樹下曰我為天

子當乘此車蓋漢高微時見始皇車從曰丈夫不當如是耶正與此合叔父劉元起奇其言曰此兒非常人也因見玄德家

貧常資給之好叔父年十五歲母使游學嘗師事鄭玄盧植與公孫瓚等為友以上是玄德一篇小傳及劉焉

發榜招軍時玄德年已二十八歲矣當日見了榜文慨然長嘆此一嘆嘆出無數大事來隨後一人厲聲言曰

大丈夫不與國家出力何故長嘆斗然而來玄德回視其人身長八尺豹頭環眼燕頤虎鬚聲若巨雷

勢如奔馬又引出一箇英雄玄德見他形貌異常問其姓名其人曰某姓張名飛字翼德世居涿郡頗有

莊田賣酒屠猪專好結交天下豪傑與玄德有同好適纔見公看榜而嘆故此相問玄德曰我本漢室宗

親姓劉名備今聞黃巾倡亂有志欲破賊安民恨力不能故長嘆耳飛曰吾頗有資財當召募鄉

勇與公同舉大事如何畢竟有資財者易于舉大事玄德甚喜遂與同入村店中飲酒正飲間見一大漢推着

一輛車子到店門首歇了入店坐下便喚酒保快斟酒來吃我待趕入城去投軍斗然而來玄德看其

人身長九尺髯長二尺面如重棗唇若塗脂丹鳳眼臥蠶眉相貌堂堂威風凜凜又引出一箇英雄寫玄德先

遇張公次遇關公敘法參差有致玄德就邀他同坐叩其姓名其人曰吾姓關名羽字壽長後改雲長河東解良

第一才子書

第一回

三

人也。因本處勢豪倚勢凌人，被吾殺了。卻與張翼德同性逃難江湖五六年矣。今聞此處招軍破賊，特來

應募。玄德遂以已志告之。雲長大喜，同到張飛莊上，共議大事。飛曰：「吾莊後有一桃園，花開正盛，

明日當於園中祭告天地。我三人結爲兄弟，協力同心，然後可圖大事。」黃巾賊有三箇姓張的兄弟，不如張翼德結兩箇不

姓張的弟兄較勝萬倍，但論兄弟不兄弟，何論姓張不姓張哉。玄德雲長齊聲應曰：「如此甚好。」次日於桃園中，備下烏牛白馬祭

禮等項，三人焚香，再拜而說誓曰：「念劉備關羽張飛，雖然異姓，既結爲兄弟，則同心協力，救困扶

危，上報國家，下安黎庶，不求同年同月同日生，只願同年同月同日死。」千古盟書第一奇語皇天后土實鑒

此心，背義忘恩，天人共戮，誓畢，拜玄德爲兄，關羽次之，張飛爲弟。罷，天地復宰牛設酒，聚鄉中

勇士得三百餘人，就桃園中痛飲一醉。如此勝舉，值得一醉。來日收拾軍器，但恨無馬匹可乘，正思慮間，人

報有兩箇客人，引一夥伴，備趕一群馬投莊上來。來得巧玄德曰：「此天祐我也。」三人出莊迎接，原來

二客乃中山大商，一名張世平，一名蘇雙，每年往北販馬，近因寇發而回。玄德請二人到莊，置酒

款待，訴說欲討賊安民之意。二客大喜，願將良馬五十匹相送，又贈金銀五百兩，鑲鐵一千斤，以

資器用。大是玄德謝別二客，便命良匠打造雙股劍，雲長造青龍偃月刀。刀名，又名冷豔，鏃奇。更新

重八十二斤，張飛造丈八點鋼矛，各置全身鎧甲，共聚鄉勇五百餘人，來見鄒靖。鄒靖引見太守

劉焉，三人參見畢，各通姓名。玄德說起宗派，劉焉大喜，遂認玄德爲姪。方作關張之兄，又作劉焉之姪。不數日，人

報黃巾賊將程遠志統兵五萬來犯涿郡劉焉令鄒靖引玄德等三人統兵五百看他以五百前敵其五萬

去破敵玄德等欣然領軍前進直至大興山下與賊相見賊眾皆披髮以黃巾抹額當下兩軍相

對玄德出馬左有雲長右有翼德揚鞭大罵反國逆賊何不早降程遠志大怒遣副將鄧茂出戰

張飛挺丈八蛇矛直出手起處刺入鄧茂心窩翻身落馬極寫程遠志見折了鄧茂拍馬舞刀直

取張飛雲長舞動大刀縱馬飛迎程遠志見了早吃一驚措手不及被雲長刀起處揮為兩段極寫

雲長龍刀蛇矛初發利市後人有詩讚二人曰

英雄發穎在今朝一試矛兮一試刀初出便將威力展三分好把姓名標

眾賊見程遠志被斬皆倒戈而走玄德揮軍追趕投降者不計其數大勝而回劉焉親自迎接賞

勞軍士次日接得青州太守龔景牒文言黃巾賊圍城將陷乞賜救援劉焉與玄德商議玄德曰

備願往救之甚壯劉焉令鄒靖將兵五千同玄德關張投青州來賊眾見救軍至分兵混戰玄德兵

寡不勝退三十里下寨前以五百而大勝此以五千而小卻寫得變幻若每戰必寫獲捷便不成文字矣玄德謂關張曰賊眾我寡必出

奇兵方可取勝乃分關公引一千軍伏山左張飛引一千軍伏山右鳴金為號齊出接應先寫關張斬將

次寫玄德運籌敘法亦參差有致次日玄德與鄒靖引軍鼓譟而進賊眾迎戰玄德引軍便退賊眾乘勢追趕方

過山嶺玄德軍中一齊鳴金左右兩軍齊出玄德麾軍回身復殺三路夾攻賊眾大潰極寫玄德直趕

至青州城下，太守龔景亦率民兵出城助戰。帶寫青州兵一句好賊勢大敗，勦戮極多，遂解青州之圍。後人有詩讚玄德曰：

運籌決算有神功，二虎還須遜一龍。初出便能垂偉績，自應分鼎在孤窮。

龔景犒軍畢，鄒靖欲回。玄德曰：「近聞中郎將盧植與賊首張角戰於廣宗，備昔曾師事盧植，欲往助之。」壯甚義甚於是鄒靖引軍自回。玄德與關張引本部五百人投廣宗，來至盧植軍中，入帳施禮，具

道來意。盧植大喜，留在帳前聽調。時張角賊衆十五萬，植兵五萬，相拒于廣宗，未見勝負。植謂玄

德曰：「我今圍賊在此，賊弟張梁、張寶在潁川與皇甫嵩、朱雋對壘，汝可引本部人馬，我更助汝一

千官軍前去潁川打探消息，約期勦捕。」玄德領命，引軍星夜投潁川來。本要助盧植卻使轉助皇甫嵩朱雋敘法變幻時

皇甫嵩、朱雋領軍拒賊，賊戰不利，退入長社，依草結營。嵩與雋計曰：「賊依草結營，當用火攻之。」遂

令軍士每人束草一把，暗地埋伏。其夜大風忽起，正與呼風喚雨相映作趣二更以後，一齊縱火。嵩與雋各引

兵攻戰，賊寨火焰張天，賊衆驚慌，馬不及鞍，人不及甲，四散奔走。殺到天明，張梁、張寶引敗殘軍

士奪路而走，忽見一彪軍馬盡打紅旗當頭，來到截住去路。讀至此必謂是玄德關張爲首閃出來矣不意竟不是奇絕

一將身長七尺，細眼長鬚，官拜騎都尉，沛國譙郡人也，姓曹，名操，字孟德。忽然飛來操父曹嵩本姓夏

侯氏，因爲中常侍曹騰之養子，故冒姓曹。嵩生操，小字阿瞞，一名吉利。曹操世系如此豈得與靖王後裔景帝玄孫同

日論

操幼時好遊獵喜歌舞有權謀多機變操有叔父見操遊蕩無度嘗怒之玄德之叔父奇其姪都是言于曹嵩嵩責操操忽心生一計見叔父來詐倒于地作中風之狀叔父驚告嵩嵩急

視之操故無恙

嵩曰叔言汝中風今已愈乎操曰兒自來無此病因失愛于叔父故見罔耳欺其父欺

其叔他日安得不欺其君乎玄德嵩信其言後叔父但言操過嵩並不聽因此操得恣意放蕩孝其母曹瞞欺其父叔邪正便判

時人有橋玄者謂操曰天下將亂非命世之才不能濟能安之者其在君乎南陽何顒見操言漢

室將亡安天下者必此人也二人皆不識曹操汝南許劭有知人之名操往見之問曰我何如人

劭不荅又問劭曰子治世之能臣亂世之奸雄也二語定評操聞言大喜稱之為奸雄而大喜年二十

舉孝廉為郎除洛陽北都尉初到任即設五色棒十餘條于縣之四門有犯禁者不避豪貴皆責

之中常侍蹇碩之叔提刀夜行操巡夜拿住就棒責之由是內外莫敢犯者威名頗震後為頓丘

令百忙中夾敘曹操一篇小傳奇因黃巾起拜為騎都尉引馬步軍五千前來潁川助戰正值張梁張寶敗走曹

操攔住大殺一陣斬首萬餘級奪得旗幡金鼓馬匹極多張梁張寶死戰得脫操見過皇甫嵩朱

雋隨即引兵追襲張梁張寶去了寫曹操忽然飛來卻說玄德引關張來潁川聽得喊殺之聲又

望見火光燭天急引兵來時賊已敗散玄德見皇甫嵩朱雋具道盧植之意嵩曰張梁張角勢窮

力乏必投廣宗去依張角玄德可即星夜往助玄德領命遂引兵復回盧植遣助皇甫嵩朱雋皇甫嵩朱雋又遣助盧植敘

法變幻。到得半路，只見一簇軍馬護送一輛檻車。車中之囚乃盧植也。更極變幻。玄德大驚，滾鞍下馬，問其緣故。植曰：我圍張角，將次可破，因角用妖術，未能即勝。張角妖術在盧植口中虛敘一句好。朝廷差黃門左豐前來打探，問我索取賄賂。我答曰：軍糧尚缺，安有餘錢奉承天使？左豐挾恨，回奏朝廷，說我高壘不戰，惰慢軍心。因此朝廷震怒，遣中郎將董卓來代將我兵，先伏一筆，取我回京問罪。張飛聽罷大怒，要斬護送軍人，以救盧植。快人是。玄德急止之曰：朝廷自有公論，汝豈可造次？軍士簇擁盧植去了。關

公曰：盧中郎已被逮，別人領兵我等去，無所依，不如且回涿郡。玄德從其言，遂引軍北行，行無二日，忽聞山後喊聲大震。玄德引關張縱馬上高岡望之，見漢軍大敗，後面漫山塞野黃巾蓋地而

來。旗上大書天公將軍。真是意。玄德曰：此張角也可速戰。玄德兩番往來本要助戰，卻都未戰，今引兵欲回本不想戰，卻反得一戰，敘法俱。三人飛馬引軍而出。張角正殺敗董卓，乘勢趕來，忽遇三人衝殺。角軍大亂，敗走五十餘里。三

人救了董卓回寨。本要助盧植，卻反救了董卓變幻。此回本敘劉關張中間卻夾敘曹操，末後又帶出董卓奇絕。卓問三人現居何職。玄德曰：白身，卓甚輕之，不為禮。可笑。玄德出，張飛大怒曰：我等親赴血戰，救了這厮，他卻如此無禮，若不殺之，難消我氣。便要提刀入帳來殺董卓。見盧植受屈便要救見董卓無禮便要殺略無一毫算計寫翼德真是當時第一快人。正是

人情勢利古猶今，誰識英雄是白身。安得快人如翼德，盡誅世上負心人。

畢竟董卓性命如何，且聽下文分解。

第二回

張翼德怒鞭督郵

何國舅謀誅宦豎

翼德要救盧植。不曾救得。要殺董卓。不曾殺得。今遇督郵。更不能耐矣。督郵蠹國害民。是又一黃巾也。柳條一頓。可謂再破黃巾第二功。

寫翼德十分性急。接手便寫何進十分性慢。性急不會誤事。性慢誤事。不小人謂項羽不能忍。是性急。高祖能忍。是性慢。此其說非也。項羽刻印將封。印秘而不忍與。鴻門會上。范增三舉玦而不忍發。正病在遲疑。不斷何嘗性急。高祖四萬斤金。可捐則捐之。三齊九江大梁之地。可割則割之。六國印可銷則銷之。鴻溝之約。可背則背之。正妙在果斷有餘。何嘗性慢。

西漢則外戚盛于宦官。東漢則宦官盛于外戚。惟其外戚盛也。故初則產祿幾危漢祚。後則王莽遂移漢鼎。而宦官如弘恭石顯輩。雖嘗擅權。未至如東漢之橫。是西漢之亡。亡於外戚也。若東漢則不然。外戚與宦官迭爲消長。而以宦官圖外戚。則常勝。如鄭衆之殺竇憲。單超之殺梁冀。是也。以外戚圖宦官。則常不勝。如竇武見殺于前。而何進復見殺于後。是也。是東漢之亡。亡于宦豎也。然竇武不勝。止于身死。何進不勝。遂以亡國。何也。曰。召外兵之故也。外戚圖之而不勝。至召外兵以勝之。而前門拒虎。後門進狼。國於是平。非君之國矣。亂漢者宦豎也。亡漢者外鎮也。而召外鎮者外戚也。然則謂東漢之亡。亦亡於外戚可也。前於玄德傳中。忽然夾敘曹操。